

**Global Peace Mission Gerakkan Misi Bantuan Kemanusiaan Kepada Etnik Rohingya
Bernama
14 Ogos, 2012**

KUALA LUMPUR, 14 Ogos (Bernama) -- Global Peace Mission (GPM) menggerakkan misi kedua penghantaran bantuan kemanusiaan kepada etnik Rohingya di Arakan, Myanmar pada Selasa.

Presidennya, Mohamad Raimi Ab Rahim berkata delegasi diketuai Pengerusi GPM Ahmad Azam Abdul Rahman itu akan mengagih sejumlah RM250,000 hasil Kempen Tabung Iftar Ramadan, yang digerakkan GPM dengan kerjasama Angkatan Belia Islam Malaysia (ABIM) sejak 19 Julai lepas.

"Misi yang turut disertai Karim Erdogan, yang mewakili pertubuhan bukan kerajaan (NGO) kemanusiaan di Jerman, dijangka menyalurkan sumbangan tersebut kepada masyarakat Rohingya yang dilanda krisis kemanusiaan di Sitway, Arakan.

"Sumbangan tersebut akan disalurkan menerusi jaringan kerjasama dengan beberapa pertubuhan kebajikan yang diiktiraf kerajaan Myanmar," katanya dalam kenyataan di sini.

Beliau berkata kerjasama itu, yang dirintis hasil misi pertama GPM ke Myanmar pada 11 hingga 13 Julai lepas, akan membantu masyarakat Rohingya menjalani ibadah puasa selain memenuhi keperluan asas mereka.

-- BERNAMA

Copyright © 2012 BERNAMA

Source: <http://www.bernama.com/bernama/v6/bm/newsindex.php?id=688102>